



WHANAKETANGA 4: TE REO MATATINI

Taha Kōrero

E hāngai

Ngā Whāinga

Āheinga Reo

• Ka **whakataurite**¹ te ākongā i ngā pūtāke me ngā horopaki maha o ngā kōrero ā-waha, ā, ka tutuki i a ia ngā pūtāke o te kōrero, ētahi pūtāke ake a te Māori, me ngā **kawenga kōrero**⁶ i te taumata tuawhā o te marautanga.

Ina whakarongo ia:

- ka mārama te ākongā ki te **takune**² o te kaikōrero
- ka **tautohua**³, ka whakaaroarotia e ia ngā āhuatanga o te kōrero e tohua ana i te **whāinga**⁴ a te kaikōrero
- ka tautohua e ia te **pānga**⁵ o tētahi kaupapa ki tētahi atu o roto i tāna i rongo ai.

Ina kōrero ia:

- ka māia tana whakawhiti whakaaro i runga i te mārama ki te kaupapa me te hunga whakarongo
- ka āta whakamārama ia i ōna **wheako**⁷ me ōna whakaaro ki ngā kaupapa i ngā **horopaki**⁸ ako me ngā horopaki ngahau
- ka māia tana whakapuaki i ngā momo kōrero Māori taketake ake e mōhio ana ia, pērā i te mihi, i te pepeha, i te karakia, i te waiata.

¹compare

²intention

³identify

⁴objective

⁵effect

⁶oral language demands

⁷experiences

⁸context

Puna Reo

Ka whakamahi, ka whakataurite anō te ākongā i ngā āhuatanga reo e tutuki ai ngā kawenga kōrero i te taumata tuawhā o te marautanga.

Ka whakaatu ia i tana mōhio ki:

- ētahi **kīanga whakaahua**⁹, **kīanga whakarite**¹⁰
- ngā kupu honohono e hono ai ngā whakaaro i roto i te kōrero
- ngā kupu me ngā whakatakotoranga e hāngai ana ki te momo kōrero (ahakoa **ōpaki**¹¹, **ōkawa**¹² rānei).

⁹descriptive phrases

¹⁰similes

¹¹informal

¹²formal

Rautaki Reo

Ka whakamahi, ka whakataurite anō te ākongā i ngā rautaki e mārama ai ia ki tāna e rongo ana, e mārama anō ai ētahi atu ki āna kōrero.

I a ia e whakarongo ana, e kōrero ana:

- ka patapatai ia kia kitea mai ai tāna i pīrangi ai
- ka whakamahia tōna mōhioatanga ā-reo, ā-ahurea hoki kia whai māramatanga ai ia i ngā kōrero āhua roa tonu
- ka āta whakamahia ngā āhuatanga reo ā-waha e mōhio ana ia kia mau tonu ai te aro mai a te hunga whakarongo.

Taha Pānui

gai ana ki te ākonga kua ekea e ia te Taumata 4 o *Te Marautanga o Aotearoa* me te m

Ngā Whāinga

Āheinga Reo

Ka mārama atu, ka whakataurite anō te ākonga i ngā pūtake o ngā tuhinga kei te mutunga o te taumata Pīngao, kei te taumata tuawhā anō o te marautanga.

Ina pānui ia:

- ka whakarāpopotonga e ia ngā whakaaro matua o ngā **tuhinga pohewa**¹ me ngā **pārongo**² matua o ngā **tuhinga pono**³, ka tautohua ngā **taunakitanga**⁴ e tautoko ana
- ka tautohua, ka **matapakitia**⁵ te hanga me ngā **āhuatanga o te tuhinga**⁶ kia ea ai te pūtake a te kaituhi
- ka matapakitia ōna whakaaro ki taua tuhinga, me ngā taunakitanga e tautoko ana.

¹fictional text

²information

³non-fiction text

⁴evidence

⁵discuss

⁶text features

Puna Reo

Ka mārama atu, ka whakataurite anō te ākonga i ngā āhuatanga reo me ngā whakatakoto i roto i ngā tuhinga kei te mutunga o te taumata Pīngao, kei te taumata tuawhā anō o te marautanga.

Ka whakaatu ia i tana mōhio ki:

- te **pānui wawe**⁷ i ngā kupu huhua noa
- ētahi **reo peha**⁸ me te **reo tūturu**⁹, ā, ka whakamārama i ngā pānga o ēnei hanga
- ētahi **āhuatanga whakanahanaha i te tuhinga**¹⁰.

⁷quickly decode

⁸figurative language

⁹literal language

¹⁰text organisational features

Rautaki Reo

Ka whakamahi, ka whakataurite anō te ākonga i ngā rautaki pānui e mārama ai ngā tuhinga kei te mutunga o te taumata Pīngao, kei te taumata tuawhā anō o te marautanga.

I a ia e pānui ana:

- ka **whakahiato**¹¹ ia i ngā māramatanga mai i ngā **pārongo mataaho**¹², ka **hīkaro**¹³ i ngā māramatanga mai i ētahi **pārongo matahuna**¹⁴ i roto i te tuhinga
- ka **tātari**¹⁵ ia i te hanganga o te kupu hou, o te rerenga hou rānei, hei hīkaro i te tikanga, ka titiro ai ki ngā papakupu huhua hei **whakaū**¹⁶ i tāna i whakapae ai
- ka whakamahia e ia he rautaki mai i tana puna rautaki whānui, ka **parahau**¹⁷ ai i tana kōwhiringa.

¹¹synthesise

¹²explicit information

¹³infer

¹⁴implicit information

¹⁵analyse

¹⁶confirm

¹⁷justify

He Aratohu mā te Pouako te roanga atu o ngā mea e tika ana kia tutuki i te ākonga i t

Taha Tuhituhi

ahi ko ia anake.

Ngā Whāinga

Āheinga Reo

Ka mārama te ākonga ki ngā pūtaka me te āhua o ngā momo tuhinga āhua huhua nei, ā, ka tutuki i a ia āna ake pūtaka tuhituhi, ētahi pūtaka ake a te Māori, me ngā pūtaka i te taumata tuawhā o te marautanga.

Ina tuhi ia:

- ka tutuki i a ia ngā tuhinga whaihua mō ngā pūtaka maha e hāngai ana ki te kaupapa, te horopaki, me te hunga pānui
- ka tino mārama tana whakatinana i ngā whakaaro me te whakaraupapa whakaaro, ā, ka tino hāngai ngā whakaaro ki te kaupapa.

Puna Reo

Ka mārama atu, ka whakamahi anō te ākonga i ngā āhuatanga reo me ngā whakatakoto i roto i āna tuhituhi i te taumata tuawhā o te marautanga.

Ka whakaatu ia i tana mōhio ki:

- ngā kupu āhua huhua nei e hāngai ana ki āna kaupapa tuhituhi
- te whakamahi i te **tohuwhai**¹ me te **irarua**²
- te **tātaki**³ tika i ngā kupu me te whakamahi tika i te tohutō i roto i te tuhinga ka whakaputaina
- ngā momo **rerenga matatini**⁴ me te whakaraupapa tuhinga ki te **kōwae piringa tahi**⁵
- ngā āhuatanga reo e hāngai ana ki te pūtaka tuhituhi, pērā i te reo raupapa, te reo tūhono i te take me te pānga, te reo whakakapi mō te tuhituhi tautohe, me ētahi āhuatanga reo hei whakanikoniko i te whakaaro, pērā i te **huahuatau**⁶ me te ui makihoi.

¹*dash*

²*colon*

³*spell*

⁴*complex sentences*

⁵*cohesive paragraph*

⁶*metaphor*

Rautaki Reo

Ka mārama atu, ka whakamahi anō te ākonga i ngā rautaki āhua huhua kua tohua i te taumata tuawhā o te marautanga hei whakaputa i ōna whakaaro i roto i āna tuhinga.

I a ia e tuhi ana:

- ka rapu, ka kohi, ka whakaraupapa ia i ngā pārongo me ngā whakaaro i mua i te tuhituhi
- ka arohaehae i āna ake **tuhinga hukihuki**⁷, mā te arotake i ngā pārongo, i ngā whakaaro matua me ngā taunakitanga, i te reo i whakamahia, me te takoto mai o ngā kupu kia hāngai te tuhinga ki te hunga pānui me te pūtaka tuhituhi.

⁷*draft text*

ēnei taumata.